

دائرة مخصوصه

در سعادتده باب عالی جوارنده

محل اداره :

مشرط القیم

اخطار :

مسلكمزه موافق آثار جدیده مع المنوینیه
قبول اورانور

درج ایندین آثار اعاده او نماند

دیده، فلسفه، علوم، حقوق، ادبیات، و سیاسیات، و باطالع کرب سیاسی و کرب اجتماعی و مدنی احوال و مشوره اسلامیه و بحث ایدر و هفتده بر نشر انور.

آبونه بدلی

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۶۰	۳۰۵ روبله
سائر ممالک اجنبیه	»	۱۷	۹ فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرلهدن مقوا بورو ایله کوندریلیرسه سنوی

۲۰ غروش فضله آلنیر

فرانسجه بربرساله دن:

ژاپونلرک ۱۹۰۹ سنه سننده کی قواسی

اختیاری اتحارلر اسباب مختلفه دن طولای وقوع بولور. ژاپونیا ده ناموسه خلل طاری اولدقدن صکره یشامق غیر ممکن اولدیغندن، اخلال ناموسی موجب برحقارته دوچار اولوبده تحمل ایدن بر آدمک یوزینه حتی عائله سی افرادی بيله باقماز. بوحال اسباب اتحار دن معدوددر. کذا بیوکلردن بری وفات ایدر. آنک آدملری افندیلرینه اولان فرط صداقت و محبتلرندن طولای آراق حیاتی کریه کوریرلر یشامق ایسته مزلر اتحار ایدرلر. ارکان حکومت بر مسئله حقنده برقرار اتخاذ ایدر. احاددن بری بوقرارک یولسز اغنه ذاهب اولور. تغییرینه مقتدر اوله ماز. بونی اتحار صورتیه پروتستو ایدر. نتکیم محاربه زائله ده ژاپون ملازملرندن بری روسلر طرفندن قوره شبه جزیره سنه تجاوز و قوعی احتمالنندن غلیانه کلیر. بونک منعی لزومنه دائر حکومتی اقناع، چالیشیر موفق اوله ماز. اتحار ایدرسمم بلکه سوزمندن زیاده تأثیری اولور فکر یله اتحاره قرار ویرر. توکیوده کی مطبوعات آژانسنه سبب اتحارینی متضمن بر مکتوب کوندیر صکره اجدادینک مدفون اولدینی قبرستانه کیدوب اتحار ایدر. واقعا بونک هان بر تأثیری کورلمدی فقط خلق پیننده موجب اولدینی هیجانندن طولای محاربه زائله اوزرینه بر تأثیر اجرا ایتدیکنی کیم ادعا ایده بیلیر؟

ژاپونیا حکومتی ۱۸۹۵ ده روسیه، فرانسه و آلمانیا حکومتلری طرفندن وقوعبولان تضییق اوزرینه حرباً ضبط ایتدیکی «کیاوتونق» شبه جزیره سیله «پور آرتور» ی چینه ترک ایتیش ایدی.

قرقدن زیاده ضابط حکومتک بو حرکتی بر نوع ضعف صورتنده تاقی، بو حرکت قارشى اتحار ایله پروتستو ایتدیلر. زادکان صنفنه منسوب قادینلردن بعضیلری قوجهلری قهرمانانه بر صورتده وفات ایده جک اولورسه اتحار ایله حیاتلرینه خاتمه چکرلر. «ازادا» اسمنده بر ملازمک زوجیه سی قوجه سنک کچن محاربه ده دشمن النده اولدیکنی خبر آلیز آلاماز اک کوزل البسه سنی کیر قوجه سنک رسمک اوکنده سر بزمن تحسر اولدینی حالدده اتحار ایدر. افراد عسکریه دن بر جوغنک مجتمعا اتحار ایتدکلریده واقعدر. بیک ایکوز قدر افرادی حامل اولان «کوزبامارو» اسمنده برواپور ۱۹۰۵ سنه سی نیسانک یکریمی آلتنجی کونی روسلر طرفندن ضبط ایدلمش، ایچنده کی افراد تسلیم اولملری ایچون بر ساعت مهلت ویرلمش ایدی. افراد اتحاره قرار ویرر و دشمن اوزرینه آتسه باشلار بوانئاده واپورک ایچنده کی ضابطانندن، افراددن بر جوغی اتحار ایدر نهایت آتیلان بر طور پیل کمی بی یکی به بولر، ایچنده کیلرک هپسی ده قهر نایاب عدمه کیدر.

ژاپونیا ده بر معبد واردر. بوراده قرق یدی «رون» مدفوندر. ژاپونلر بعض ایام مخصوصه ده بومعبد کیدرلر دینی بر طاقم مراسم اجرا ایدرلر. ژاپونیا ده بکلری وفات ایدن سامورائی لره «رون» دیرلر. بومعبدده مدفون اولان «رون» لرک بکلرینی بر کون بیوکلردن

بری تحقیر ایتیش اوده تحمل ایده میهرک تحقیر ایدن آدمی دوکش. بوجرا تندن طولای اتحاره مجبور ایدلمش معبدده مدفون اولان بوقرق یدی «رون» ده افندیلرینک انتقامی آلدقدن صکره اتحار ایتیشلر اورایه دفن اولمشلر. بونلر حقنده کوستریلان آثار حرمت چوجقلمک بوندن عبرت آلماری، ناموس، صداقت اوغورنده بلا تردد ترک حیات ایدیورملری ایچونددر. «سامورائی» لر ۱۸۷۱ سنه سنه قدر دایمورلک سراینده اقامت ایدرلر ایدی. بونلرک تعیناتی سنوی بر قاج چووال بر نچدن عبارت ایدی. دره بکلکلری قالدینی صره ده ژاپونیا ده اوچوز «دایمو» و درتیوز الی بیک «سامورائی» وار ایدی. دره بکلکلرینک الفاسندن صکره «سامورائی» لر آواره سر قالدیلر چونکه تأمین معیشت ایده جک بشقه بر نزلری یوق ایدی. فقط بونلرک اسکی افندیلری ایوم امور دولته مستخدم و سرکارده بولندقلرندن «سامورائی» لره معاونتدن خالی قالمالزلر. بونلری صکره اردویه ده آلدیلر، بونلر اردونک اک جسور اک کزیده افرادی تشکیل ایتدیلر.

ژاپونیا ده زادکاندن صکره ارباب زراعت کلیر «دایمو» معیتده کی «سامورائی» لرله شاتوسنده اقامت ایدر، محاربه لره علی الاکثر بونلرک صداقتنه مراجعت ایلر ایدی. محاربه وسائرده تلف اولان «سامورائی» لرک یرینه ده اک زیاده ابراز شجاعت و جسارت ایدن ارباب زراعتی آلیز ایدی.

ژاپونیا ده حس وطن پرورینک تمیه سی تا مکتبلردن باشلار الی نهایه دوام ایدر. بر طاقم مناقب تاریخیه ناقلملری واردر بو برمسلك مخصوصدر بونلر ایچنده معلوماتی متفنن آدملرده واردر خصوصی قونفرانسلر ویرلر بر طاقم سوقاق قصه خوانلری شوراده بوراده تاریخی قصه لر نقل، بونکله تأمین معیشت ایدرلر. حکایه لرک موضوعی قرون وسطی محارباتی، قرق یدی «رون» ک سرگذشتی «تایرا» عائله سیله «میناموتو» عائله سی آرسنده ظهور ایدن محاربه لرله چین و روسیه محاربه لری کبی شیلردر. بوندن بشقه ژاپونیا ده بر طاقم خصوصی سالونلرده واردر. بوسالونلرده هر آقشام وطن پرورانه یازلمش ازلر او قونور، حسیات وطن پرورانه یی تمیه ایده جک کوزل کوزل حکایه لر نقل اولور.

پورتکیز کمیجیلری ۱۵۴۲ ده ژاپونیا یی کشف ایتدکدن یدی سنه صکره ژاپونیا یه قتولیک میسیونرلری کوندردلری یرلیردن خریستیان دینی قبول ایدنلرک عددی الی آظر فنده بیکی کجی. اون سنه صکره پاییه کوندریلان راپورده ژاپونلردن یوز الی بیک کشینک خریستیان دینی قبول ایتدکلری بیلدیرلش ایدی ژوزیتلرک عددی یتیش بش کشیدن عبارت اولسنه نظراً بوموفقیتلری موفقیات مهمه دن معدود ایدی. ژوزیتلر تأمین موفقیات ایچون دائماً پورتکیزلره اخذ واعطایه حریص اولان دره بکلرینه مراجعتله مالکانه لرینه قتولیک دینندن بشقه بر دینک دخوانه مساعده ایتاملری اسبابی استحصال ایدرلردی.

دایمو « نابوناغا » ایله « هیده یوشی » کرک خریستیانلغه ، کرک تجارت اجنبیه قارشى بىداية مساعدا تکارانه داورانديلر ايسه ده ۱۵۹۷ ده بردن بره ايشك رنكى دكيشدى . يعنى تبديل دين و تجارت اجنبیه منع ايدلدى . بونك سببى ده شودر : بودا مذهبه منسوب برطيب ژوزويتلرک خلقى خريستيان ديننه دعوتلرى بالاخره مملکتى ضبط ايتمک مقصدينه مستند در ديه شوکون « هیده یوشی » يه برراپور ويردى براز صکره « هیده یوشی » « زاجوما » نام دایمويه قارشى اعلان حرب ايتدى اکا بردن برچو غنک خريستيان اولدقلرىنى ، فوق العاده وفاق و اتفاق اوزره يشادقلرىنى ، ميسونرلره قارشى غایت صادق بولندقلرىنى کوردی . بودين جديدک امنيت مملکت نقطه نظرندن داعی محاذير اولمى احتماله ذاهب اولدى . فقط پورتکيز ليرله اخذ واعطادن متحصل منافع حسيله يوز قرق قدر ژوزويتک مملکتده قالميرينه قارشى اغماض عين ايتدى .

بواننده مهم بر مسئله ظهور ايتدى پاپا طرفندن نشر اولنان بر امرنامه ايله ژوزويتلر ژاپون يازده رسماً نشر دینه مأمور ايدلدى . اسپانيا ايله پورتکيز حکومتلرى بيننده عقد ايدیلان بر مقاوله نامه موجبنجه امر تجارتده پورتکيزه توديع ايدلدى . بونک اوزرينه ميسونر صفتيله دکل ، فقط سفیر صفتيله درت فرانسیسکن راهبى کوندرلدى . بونلر کیمسه ي خريستيان ديننه دعوت ايتمه مک شرطيله قبول اولنديلر . فقط سوزلرنده طور مديله « هیده یوشی » بونلرى مملکتدن طرد و تبعيد ايتمک اوزره ايکن ديگر بر وقعه ظهور ايتدى . « سان فله ایچه » اسمنده بر اسپانيا سفینه سی قره يه دوشمش ، ايچنده کی الیوز بيک قرون ضبط ومصادره ايدلمش ایدی ، کينک قلاغوزى قبودانک غیوبتندن بالاستفاده کويا ژاپون مأمورلرى تهديد ايتمک اوزره خريطه يی آچدی اسپانيانک تحت حکومتده اولان ممالک وسيعه يی کوستردى . ژاپونلر بر قرالاک بوقدر مملکتى نصل ضبط ايتديکنى صورديلر . قلاغوز ژاپونلرک بوسوألنه شويولده جواب ويردى : « قرالارمز ضبط ايتمک ايسسته دکلى مملکته اوکجه راهبلر کوندريرلر . اولرده او مملکتک اهالیسنی خريستيان ديننه دعوت ايدرلر . نشر دين خصوصنده ترقی کوريليرسه ، خريستيان دينى قبول ايدن ير ايلره متحداً حرکت ايتمک اوزره عسکر سوق اولنور . بوندن اوتەسى قولايدير ! » قلاغوزک بو جوابى « هیده یوشی » يه بيلديرلدى . اولجه سفیر صفتيله کوندريلان درت راهبله خريستيان اولان اونيدى ژاپون يالى اوچده ژوزويت پاپاسى هان اعدام اولدى . بوندن صکره اجانبه قارشى تکرار ظلم واعتساف باشلادی . فقط دره بکارندن بعضيلرى مملکتلرنده ظهور ايدن اختلاللردن طولايى اجانبه مناسبانده بولمغه مجبور اولدقلرندن اره صره مظالمه نهايت ويرلر ایدی .

بو اختلاللر تسکين خريستيانلق يکدن تلعين ايدلدى . بتون ژاپونیا اولکاسى ۱۸۵۴ ده عقد ايدیلان « قاناغاوا » معاهده سنه قدر يعنى ۲۵۷ سنه اوروپا ليره قارشى مسدود قالدى .

۱۸۵۳ سنه سى تموزنده « بهررى » نک قومانداسى التنده کی امريقا فيلوسى توکيو کورفزينک مدخلنده کائن « اوراغا » ليئانه لنگر انداز اولدينى کونه قدر ، ژاپونیا حکومتى اوروپا ايله اختلاطى کسمش يالکيز استاد قديم مديتى اولان جين حکومتيله مناسباتى محافظه ايتمش ایدی .

قوماندان « بهررى » امريقا رئيس حکومتى طرفندن کوندريلان نامه يی ، ايقاع ايدیلان موانع ومشکلاته رغماً « شوکون » نک مأمورلرينه ويرمکه موفقی اولدى . بونامه ژاپونيانک تکرار اوروپا ليره مناسباته کيريشمى تکليفى متضمن ایدی . قوماندان « بهررى » مکتوبى تسليم ايتدکدنصکره چين صولرينه طوغرى چکلدى . نامه نک جوابى الموق اوزره ايلک بهارده تکرار ژاپون يايه کلدى . بونى متعاقب « قاناغاوا » معاهده نامه سى عقد ايدلدى .

بو معاهده اوزرينه « شيموده » « حاقوداته » ليئانلرى امريقا تجارتنه کشاد ايدلدى . بوندن صکره دول سائر ايله ده بر طاقم معاهدات عقد اولنهرق انلرده بعض ليئانلر آچلدى . ۱۸۶۰ ده « شوکون » طرفندن امريقا يه ، اوروپايه سفيرلر کوندرلدى .

ژاپونیا حکومتى هر تقدیر مدنيت غريبه نک نه اولديغى بحق تقدير ايدهميور ايديسه ده مخالفت ايدمه چک قدرتى حائز اولمديغى اکلايور ایدی . بناء عليه موقت بر زمان ايچون بو احواله راضى اولدى . فقط « شوزو » پرنسک معيت امپراطور افرادندن بعضلرينک تشويقاتيله فرانسه فلمنک وامريقا سفائنى طوبه طوتديرمى اوزرينه « شيمونوزەکی » ليئانى بومباردمان ايدلدى ، ژاپون يادن اون بش ميلون تضمينات طلب اولدى .

فريد

تصحیح : بوندن اولکى مقاله ده (مغول حکمدارلرندن قبلای خان اون اوچنجى عصر ميلادينک نهايتلرينه) دنيله چک ايکن سکزنجى عصر دنيلمش اولمغه تصحيح اولنور .



خطبه

— ۶ —

الحمد لله الذى انزل الشرع الحكيم ليعمل به الموفق المسدد . الحمد لله الذى انذر بالوعيد ليحذر العاقل من بطشه الشديد المشدد . الحمد لله الذى هدى قوماً وهدد آخرين ليتجهج المهتدى ويتقى المهدد . الحمد لله الذى خلق فسوى وقدر فهدى وقضى فعدل . استغفره واشهد ان لا اله الا الله احصى كل شئ احاطه وخبره وعلمه . واشهد ان سيدنا محمداً افضل الخلق فى الخلق بل اكمل الكل حكماً وحكمةً وحلماً . اللهم صل وسلم على هذا النبي الذى كان للفجار حرباً وللأخيار سلامةً وسلماً وعلى آله وصحبه ما استقام ظل الاسلام وعدل وسلم تسليماً كثيراً (اما بعد فيا عبدالله) جاء ذوالحجة وقد اقيمت عليك بتعداد الفجور بين الجمهور الف حجة وحجة . جاء آخر السنة